

臺灣文獻史料叢刊

第九輯

中山傳信錄
清初山海疆圖說
臺灣輿圖

(合訂本)

臺灣大通書局印行

臺灣文獻叢刊第四五種

臺灣輿圖

夏獻綸

自序

古人右史左圖，觀覽並重。蕭何入關，首收圖籍；蓋凡道途險阻、山川阨塞，非圖莫周悉也。

臺灣，海外荒島耳。鄭氏納土逾二百年，半線以北，關及彰化、淡水、噶瑪蘭，已入山後。今則自蘇澳、岐萊、秀孤巒、卑南竟以遠琅璫、恆春，拔木通道，殫盡人力，幾及千里；郡志舊圖，付之狃榛莫考。獻綸備兵來此，適值海疆多事，朝廷遂有開山撫番之命。臺之南北，遞歲周巡；轍迹所由，多涉無人之境。而內山道途、形勢，爲從古方輿所不誌。獻綸則欲詳悉爲圖，俾回曲窵遠，瞭然尺幅；而民番生聚、村落聯屬，咸有所稽。因命山陰余二尹寵周歷各屬，創爲之圖；凡再易寒暑，始竣。而後山圖，又數易；惟嘉應王君熊彪有稿爲優，並採用之。番社取其已歸化、備檔案者臚列之，餘難悉數。又屬閩縣王廣文元穉爲之纂校，獻綸復參酌審定。圖成，計得幅大小凡十有一，說略稱是；付之剞劂，以補志乘未備。

曩緒寇之平，江蘇開局刊行輿圖，最爲詳贍。臺郡荒僻，固相懸殊；又苦海外載籍荒落，圖之疎略殆所不免。後之留心經世者，更從而考訂擴充之，是則所厚望也夫。是爲序。

光緒五年（歲在己卯）孟夏，誥授通奉大夫布政使銜、分巡臺灣等處兵備道兼按察使銜、提督學政，新建夏獻綸撰。

後山輿圖說略

臺灣向第有三縣，彰化、淡水皆係後闢。自嘉慶中，噶瑪蘭設官，且窮及山後矣；而南路琅璚、卑南竟雖見紀載，皆託傳聞。今則自卑南以逮蘇澳，拔木通道，數百里窮髮儋耳之民，咸得沐浴王化；則自光緒紀元之開山撫番始，而輿圖始可得而志也。

後山自蘇澳以南至得其黎百四十里，峭壁峻嶒，難通輿馬；且無可耕之地。中亘東澳、大南澳、大濁水、大小清水五溪，水險莫施舟楫。得其黎至新城、岐萊六十里，稍得平土；然荒榛灌莽，礪确爲多。岐萊歷花蓮港、吳全城、大巴籠、周壘社而至水尾得所謂秀孤巒者（又名泗波瀾），計程百五十里；地盡膏腴。由水尾東至沿海大港、西至璞石閣而歷平埔大莊、石牌以達卑南百五十里，亦多腴壤。卑南至恆春二百餘里，則皆瘠區。其間如巴朗衛、八寮灣、牡丹灣等處，尚可開墾。此則山後大略情形也。

濱海六百餘里，惟花蓮港、成廣澳可泊輪船；而皆風帆靡常，沙礁紛錯，往還匪易，民船更不能以時至也。若由中權以達前山，則自璞石閣抵彰化縣之林圯埔者，計程二百六十餘里。

番社之在大南澳者，曰斗史五社；大濁水以北依山之番，統名曰大魯閣，凡八社；岐萊平埔之番，居鯉浪溪北者，統名曰加禮宛，凡六社；鯉浪溪南者，統名曰南勢，凡

七社；居秀孤巒者，凡二十四社；璞石閣平埔，八社；成廣澳沿海，八社；成廣澳南，阿眉八社；卑南竟番社之可紀者，四十有六。此外，如木瓜番、丹番、巒番、棍番，俱處高山，社名不一；或撫、或否，尙難悉數。平地之番，稍知耕種；處深山者，惟事游獵，與平地番世仇，兇殘嗜殺。番性大概然也。

惟經營籌劃，匪旦夕間事。在事者頻年苦於疾疫，所冀人烟盛而瘴氣開；井疆土、聚人民、坏城郭。議者謂區其地可得一府三縣，固有待於後來也。

附錄道里

後山自蘇澳往卑南路程：二十里東澳、三十里大南澳、三十五里大澳水、二十五里大清水、三十五里得其擊、十里新城、五十里鼓葉花連港、二十里吳金城、三十九里大巴籠、二十二里岡靛社、二十二里秀孤巒水尾、三十里璞石閣、十二里平埔莊、十二里石牌莊、四十五里卑南寶桑、五十里卑南寶桑：總計四百五十八里。

水尾往大港口沿海連卑南路程：十八里分水嶺、二十二里鯤公社、二十四里大港口、十五里水母丁、二十里彭子存、二十里成廣澳、三十里邱仔邱溪、三十里都魯社、三十里卑南溪、十里卑南寶桑：總計二百十九里。

璞石閣往彰化縣林地埔路程：四十里打麻社、三十一里雷風洞、十三里雅托、十二